



HO'OU LU LĀHUI
Regenerating Oceania
13th Festival of Pacific Arts & Culture
Hawai'i 2024

MO'OLELO HĀLĀWAI O KE KOMIKINA NO KA HO'OLAULE'A NO'EAU A
MO'OMEHEU PĀKĪPIKA (FestPAC)

PŌ'AKAHI, IUNE 27, 2022, HOLA 3:00 'AUI.

MA O ZOOM: HĀLĀWAI WIKIŌ A LEO

Nā Lālā Komikina i Kū Mai:			
	Kalani Ka'anā'anā	-	Ke'ena Kuleana Ho'okipa o Hawai'i (HTA)
	Snowbird Bento	-	Kaiāulu (hō'ea i ka hola 3:12 'aui.)
	Māpuana de Silva	-	Kaiāulu
	Sylvia Hussey	-	Ke'ena Kuleana Hawai'i (OHA)
	Jarett Keohokālole	-	'Aha Kenekoa o Hawai'i
	Jamie Lum	-	Ke'ena Ho'omohala Waiwai a me ka Ho'okipa (DBEDT)
	Richard Onishi	-	'Aha Lunamaka'āinana o Hawai'i
	Kehaulani Pu'u	-	Ke Kūlanakauhale a Kalana o Honolulu

Nā Hoa Kipa:			
	Stephan Bradley	-	Kaiāulu
	Jackie Burke	-	Kaiāulu
	Brandon Bunag	-	Kaiāulu
	Mamiko Carroll	-	Kaiāulu
	Maka Casson-Fisher	-	Ke'ena Kuleana Ho'okipa o Hawai'i (HTA)
	Lynn J. Martin Graton	-	Kaiāulu
	Ngahiraka Mason	-	Kaiāulu
	Monte McComber	-	Royal Hawaiian Center
	Aaron Salā	-	Luna Ho'olaule'a
	Kanoe Takitani-Puahi	-	'Ahahui Ho'okipa 'Ōiwi Hawai'i
	Pris Texeira	-	Kaiāulu
	Margo Vitarelli	-	Kaiāulu
	Caroline Yacoe	-	Kaiāulu

Nā Limahana:			
	Elise Amemiya	-	Loio Kuhina
	Marlene Hiraoka	-	DBEDT
	Timothy Tiu	-	DBEDT
	Scott Tome	-	DBEDT

Nā Mihi:			
	Maynette AhNee-Benham	-	Koho 'Ia E Ke Kia 'Āina

HO'OMAKA

I ka hola 3:02 'au., aloha aku 'o Luna Ho'omalua Ka'anā'anā i nā kānaka a pau i hele mai. Mālama 'ia ke kīkolā o nā Lālā Komikina: Ms. Hussey, Mr. Keohokālōle, Ms. Lum, Ms. de Silva, Mr. Onishi, Ms. Pu'u. Wahi a ka Luna Ho'omalua, e hele mai ana 'o Ms. Bento, 'a'ole hele mai ana 'o Ms. Ah Nee-Benham. Na Ms. Pu'u ka wehena.

Hō'ike aku 'o Ms. Pu'u i kona mahalo no ka 'ae 'ana mai e wehe i ka hālāwai. Mo'olelo 'o ia no ko Kamehameha 'ano he alaka'i maika'i ma hope o ke kaua o Nu'uānuu. Ho'i akula 'o Kamehameha e mālama i nā maka'āinana 'eha i ke kaua 'ana. Kēnā akula 'o ia i nā koa e mālama i ka po'e 'eha a e mālama i ka lāhui kānaka ma o ke kanu 'ana i ke kalo, ka 'ulu a me ka 'uala. Ho'ohālikelike 'o ia i kēia hana a Kamehameha Nui me nā hana 'o ke Komikina. Wahi āna, ma o ke aloha e 'ike 'ia ai nā hopena maika'i ma nā wā pōpilikia.

Ke mālama 'ia nei nā hana haipule o Ka Makua Mau Loa, ko Kēhau Pu'u hale pule, ma o ka punaewehe no nā makahiki 'elua i hala iho nei. Wahi āna, ua mālama 'ia ka Hō'ike he alo a he alo mua loa, a ma laila i halelu ai nā 'ahahui a me nā hui 'ohana. Wahi āna, he nani ka launa aloha 'ana a me ka mālama 'ana i ia ho'olaule'a. Pēia pū kona no'ono'o 'ana no kēia Ho'olaule'a, he wahi nō ia e launa aloha ai me kekahi i kekahi a me nā lālā o nā lāhui o ka Pākīpika. Ha'aheo 'o ia i kēia hana.

Mahalo ka Luna Ho'omalua iā Ms. Pu'u no ka wehena.

'OLELO HŌ'IKE A KA LEHULEHU

Noi mai 'o Luna Ho'omalua Ka'anā'anā i ka po'e lehulehu e hō'ike mai i ko lākou mau mana'o no nā kumuhana o ka papa kumumana'o. Me ka 'ole o nā mana'o i ho'opuka 'ia, ho'omau akula 'o ia i kahi kumumana'o aku.

'ĀPONO I KA MO'OLELO HĀLĀWAI MEI 16, 2022

Ua ka'aka'ahi a nā'ana 'ia ka mo'o'olelo hālāwai e nā Lālā Komikina. Noi maila ka luna inā i pono e ho'ololi 'ia kekahi mea. Me ka 'ole o nā leo kū'ē i lohe 'ia, noi mai 'o ia e ho'oholo mai i ka hana. Na Mr. Onishi ke 'āpono, a na Ms. Hussey ke 'āpono kākō'o. Ho'oholo nā Lālā Komikina i ka mo'o'olelo o ka hālāwai o Mei 16, 2022 penei: Ms. de Silva, Ms. Hussey, Mr. Keohokālōle, Ms. Lum, Mr. Onishi, Ms. Pu'u.

Ua lōkahi ke 'āpono 'ia o ka mo'o'olelo o ka hālāwai no 16 Mei, 2022 e kū nei.

KA NŪ HOU NO NĀ WĀ HUI I 'ĀPONO 'IA, ME KA HĀHAI PONO 'ANA I KE KĀNĀWAI 103, KE KAU KĀNĀWAI O HAWAI'I 2021

'Ōlelo mai 'o Luna Ho'omalua Ka'anā'anā, ua mālama 'ia he 'elua hālāwai. Ua hui ke Kōmike Aukahi (Administrative Committee) a ua hui ke Kōmike Wahi. E hō'ike 'ia ana nā mana'o o ia mau hālāwai ma kēia hālāwai.

Aloha mai ka Luna Ho'omalua iā Ms. Bento, hiki iho nei 'o ia i ka hālāwai i ka hola 3:12 'au..

KA HŌ'IKE'IKE, KŪKĀ A HANA PILI I KA HŌ'IKE'IKE A KE KŌMIKE AUKAHI

Hō'ike'ike ka Luna Ho'omalū no Ms. Ah Nee-Benham, Ka Luna o ke Kōmike Aukahi. Wahi a ka Luna Ho'omalū, ua hui ke Kōmike Aukahi i Iune 13, 2022 a ua hele 'o Ms. Ah Nee-Benham, Luna Ho'olaule'a Salā, Ms. Hussey a me Mr. Keohokālōle; kama'ilio lākou no nā mea hou o ka mo'ohelu kālā. Ua 'āpono ke Komikina i \$20 miliona ma ka mo'ohelu kālā no ka Ho'olaule'a. He \$17.4 miliona kālā ka mo'ohelu kālā hou i mana'o 'ia, akā ke ho'ā'o nei lākou e hō'emi i ka huina i \$15 miliona. E loiloi hou ana ka Luna Ho'omalū i nā ho'olilo kālā pili i nā hana kāko'o.

Kuhi nei ke Kōmike Aukahi i 'ekolu kumu ho'olilo kālā nui: Nā Hana Aukahi, Nā Wahi a me Nā Papahana. E kāko'o ana ka Luna Ho'olaule'a i ke Kōmike Aukahi e ho'omakauli'i i ka mo'ohelu kālā, akā i kēia manawa 'a'ole mākaukau ke Kōmike Aukahi e hō'ike'ike i ia mau mea i ke Komikina. Wahi a ka Luna Ho'omalū, koikoi 'ia ka Luna Ho'olaule'a e hō'ike'ike i papamanawa a GANTT (Generalized Activity Normalization Time Table) i 'ike 'ia. Aia nō ia mau mea ma ka pū'ulu pepa o kēia hālāwai.

Nīnau ka Luna Ho'omalū inā he mau mana'o. 'A'ohē mana'o i hāpai 'ia, no laila holomua 'o ia ke kekahi kumu mana'o hou.

KA HŌ'IKE'IKE, KŪKĀ A ME NĀ HALA PILI I KE KŌMIKE WAHI A PAPAHAHA

Ho'oku'u aku ka Luna Ho'omalū i kēia māhele o ka hālāwai iā Ms. Lum, Luna o ke Kōmike Wahi a Papahana. Wahi a Ms. Lum, ua hui ke kōmike i Iune 22, 2022; hele mai 'o Ms. Lum, Ms. Bento, Mr. Onishi, Ms. Pu'u, ka Luna Ho'olaule'a.

Mo'olelo mai 'o ia, 'o ke kumu nui o ka hui 'ana o ke kōmike ka nānā 'ana i nā mea hou a ka Luna Ho'olaule'a. Kama'ilio lākou no kekahi mau hana e ho'okō 'ia ma mua o ka hopena o kēia makahiki: ka hō'ano hou 'ana i ka 'aelike halenoho ma waena o ka Ho'olaule'a a me ke Kulanui o Hawai'i a me ka Palapala Ku'ikahi me nā wahi kūwaho o ka Ho'olaule'a.

Nānā hou ke Kōmike Wahi a Papahana i nā papahana a me nā wahi kūhelu o ka Ho'olaule'a. 'O ka Hale Hō'ike'ike 'o Bīhōpa, HiSAM a me Ke Kulanui o Hawai'i ma O'ahu Komohana kekahi mau wahi hoihoi i ke kāko'o 'ana mai i ka Ho'olaule'a. E ho'okuleana 'ia ana kēlā me kēia wahi e uku no ka halihali 'ana a pēlā aku.

Ke kama'ilio nei 'o Ms. Bento lāua 'o ka Luna Ho'olaule'a me Ke Kula 'o Kamehameha no ka 'aha wa'a, a e mo'olelo hou ana lāua ke 'ike 'ia kekahi mea hou.

Wahi a Ms. Lum, 'o ka Papahana o ka Ho'olaule'a kekahi mea ko'iko'i e nānā 'ia ai e nā Lālā Komikina. Ua hala kekahi makahiki mai ka loiloi 'ia 'ana o ka Papahana Nui. Ka'ana 'ia ka pepa "Previously Approved Buckets and Newly Proposed Buckets" me ke kuhi 'ana i kā Ms. Bento hana nui, 'o ka ho'onoho 'ana i kēia Papahana Nui a ke Komikina i 'āpono mua ai ma 'Apelila 19, 2021. Pili kēia Papahana Nui i ka Hana No'eau, Nā Pāpaho, Nā Hana No'eau Holomua, Nā Hana Kūikawā a me Ke Olakino. Makemake ka Luna Kōmike Wahi a Papahana e holomua i ka ho'omākaukau 'ana i papa manawa. Nīnau 'o ia inā he mau mea hou a'e e kama'ilio ai.

Wahi a Mr. Onishi, he mea ko'iko'i ke kama'ilio 'ana me nā Lāhui 'Āina pili i ka Papahana. Eia kekahi o kona mau mana'o, e ho'oka'ina mua kākou i nā hana nui i hiki ke kama'ilio pū me nā Lāhui 'Āina no ia mau mea. E pono ana ke kāko'o ma ka ho'onoho pau 'ana i ka Papahana. 'Ōlelo mai ka Luna Ho'omalū, e nānā hou 'ia nā hana i hoihoi i nā hui i mea e wae pono ai i nā papahana maika'i. No ka Ho'olaule'a 2020, ua mana'o 'ia ka He'enalū he papahana maika'i, akā i nānā hou aku ka nele o ka hoihoi i ia papahana, he 'ehā hui wale nō kai hoihoi, ua ho'oku'u 'ia kēlā papahana.

'Ōlelo mai ka Luna Ho'olaule'a, aia nō he Papahana Nui no ka ho'olaule'a e kū mau nei no kekahi mau makahiki. Wehewehe maila 'o Ms. de Silva, ka Luna Ho'omalū o CPAC no nā hana nui o ia papahana a me ka makemake e ho'opau i ka ho'onohonoho 'ana i nā mahina 'elua e hiki mai ana.

Wehewehe mai 'o Ms. Lum e pili ana i ke kama'ilio 'ana o ka wā i hala, me ka ho'omaopopo 'ana aku iā kākou i ka nui o ke kūkākūkā 'ana o ka wā i hala. Makemake 'o ia e ho'omana'o i nā Lālā Komikina i nā mea i kama'ilio 'ia a me nā mea i 'āpono 'ia.

Wahi a Ms. de Silva, 'oia i ua 'āpono 'ia ka lālani mua o ke ki'ikuhi e ke Komikina, e ho'ouna paha kākou i ia 'ikepili i nā Lāhui 'Āina. Wahi a ka Luna Ho'omalū, ua 'āpono pū 'ia nā lālani o lalo. Nīnau maila 'o Ms. de Silva i nā nīnau e 'ike 'ia ana ma ka nīnauēle (questionnaire). 'Ōlelo mai ka Luna Ho'olaule'a, e ho'ouna 'ia ka māhele hou i 'āpono 'ia i nā Lāhui 'Āina me he nīnauēle. Wahi a Ms. de Silva, pākela nā mana'o e hō'ike 'ia nei i nā Lāhui 'Āina. E ho'ā'o ana lākou e komo i nā hana a pau i hiki, no laila e hō'ano hou kākou i kēia mau mana'o i mōakāka nā hana nui me ka wehewehe 'ole 'ana i nā mea kiko'i a pau iā lākou. He mea ho'opau manawa ka ho'onoho 'ana i ka Papa Manawa me ka 'ike 'ole i nā kānaka e hele mai ana. Ke pane mai nā Lāhui 'Āina, a laila e ho'omaka ka hana no ka Papa Manawa a me ke kama'ilio 'ana i nā 'elele Lāhui 'Āina e kau inoa no kēlā me kēia hana.

'Ōlelo mai ka Luna Ho'olaule'a, he kā mua wale nō kēia Papahana Nui. Penei e 'ike lihi 'ia ai nā mea e mana'o 'ia nei no nā hana nui o ka Ho'olaule'a. Wahi a ka Puke FestPAC (Handbook), e ho'omākaukau 'ia ka Papahana Nui o ka ho'olaule'a i ka piha makahiki ma mua o ka ho'olaule'a.

'Aelike mai 'o Ms. Bento i ka 'ōlelo a ka Luna Ho'olaule'a.

KA HŌ'IKE'IKE, KŪKĀ A ME NĀ HANA PILI I KA HŌ'IKE A KA LUNA HO'OLAULE'A

'Ōlelo mai ka Luna Ho'omalū, he 'elua māhele o kēia mo'olelo. Na Ms. de Silva, ka Luna Ho'omalū o ka SPC a me CPAC ka mua.

Mo'olelo mai 'o Ms. de Silva no ka FestPAC Working Group (WG) ma lalo o CPAC, ma lalo o ka SPC. Ua nānā 'ia 'o ka Ho'olaule'a (FestPAC) a loa'a mai he 'eiwa mea i hiki ke hana 'ia. E hō'ike ana ka WG i ka Ho'olaule'a i kēia mau mana'o mai TiPau Ltd. i hiki ke hana 'ia. Ua ho'okomo 'ia ka hō'ike a TiPau Ltd. ma ka pū'ulu pepa hālāwai o Mei.

Wehewehe mai 'o Ms. de Silva, nānā 'ia ua mau hana 'eiwa ma ka hālāwai me Aotearoa, a e loiloi hou ana lākou a hō'ike i nā mana'o no nā mo'ohelu kālā a me ke ka'ina hana. 'O nā Lāhui 'Āina he 11 pū me Aotearoa a me ka SPC nā lālā o ka Working Group (WG), a e hō'ike ana lākou i kekahi kā mua me nā lālā i kēia kauwela.

I 'Aukake 2022, e paka ana ka WG i kēia kā mua o ka hana a e ho'ouna 'ia ana i nā Lāhui 'Āina e kama'ilio ai. I 'Okakopa 2022, e ho'opa'a 'ia ana ka hana a e mālama 'ia ana ka hālāwai CPAC i Nowemapa 2022. Mahu'i 'ia ke kākō'o 'ana o nā kuhina a me ka ho'oholo 'ana i Kekemapa 2022. He hui alaka'i hou ko ka SPC a ke noi nei lākou e kipa hou i Hawai'i i mea e nānā i nā wahi kūhelu a e pane i nā nīnau. Mali'a e kipa mai lākou i ke kau mua o kēia makahiki a'e 2023. Aia nō a mākaukau ka SPC, e hui kino 'o CPAC a me nā Kuhina, e noi ana lākou i ke Komikina a me nā Lāhui 'Āina i nā wā maika'i e hui ai. He kōkua nui paha ka ho'ouna 'ana i nā nīnauele i ke kau 'ehā o kēia makahiki 2022 i ka ho'omākaukau 'ana i ka papahana.

Nīnau aku 'o Ms. de Silva iā Mr. McComber inā he mau mea hou a'e kāna e wehewehe ai. Wahi āna, 'o Aotearoa ka Luna Ho'omalū o ka WG, no laila na lākou e koho i ka wā e mālama 'ia ai ka hālāwai.

Ho'oku'u aku ka Luna Ho'omalū i kēia māhele a'e iā Luna Ho'olaule'a Salā. Ho'oku'i aku 'o Luna Ho'olaule'a Salā i kona papakaumaka me ka wehewehe 'ana i nā kumumana'o nui o kēia mo'olelo- nā hana Aukahi, nā Wahi a me nā Papahana, Ka Papa Pūnaewehe, a me nā hana Kaiāulu.

- Nā Hana Aukahi: Ke kama'ilio nei 'o ia i nā lālā o ke Ke'ena Moku'āina Pikelala a ke nānā nei lākou i nā hana kūikawā, nā palapala 'aekomo, nā hana procurement. Maika'i inā mākaukau kēia 'ikepili ma mua o ka ho'ouna 'ia 'ana o nā nīnauele i nā Lāhui 'Āina. Ke kama'ilio nei 'o ia me Mr. Keali'i Hammond pili i ka paleola.
- 'Ōlelo ka Luna Ho'olaule'a, ke ho'omaka nei 'o ia e ho'omohala i puke alaka'i no nā Lāhui 'Āina a e ho'ohana ana 'o ia i ka Puke Festpack ma ia ho'okumu 'ana.
- Pili i ka Secretariat, hāpai a'e 'o ia i kona mahalo iā Ms. Mary Hattori a me ka East West Center Pacific Islands Development Council no ke kākō'o 'ana mai. Ke ho'omaka nei lākou e hai i nā mu'o kākō'o (interns) a e kuhi aku i nā limahana o ua Pacific Islands DC e kākō'o ma nā hana o Hawai'i nei.
- Nā Wahi a me Nā Papahana: Ke hana nei ka Luna Ho'olaule'a i Papa Manawa mikioi no ka Ho'olaule'a. Hoihoi pū 'o Royal Hawaiian Center e mālama i kekahi mau hana ma laila.
- Makemake 'o ia e ho'opa'a pono i nā wahi kūhelu o ka ho'olaule'a- Festival Village, Hawai'i Convention Center, a me nā halenoho- ma mua o 'Aukake 2022. E pa'a pū nā wahi kūwaho o ka ho'olaule'a.
- Ke kūkulu nei 'o Mr. Stephan Bradley i ke kaha pūnaewehe. He haumana 'o ia no ke kula Academy of Creative Media Design a e puka ana 'o ia mai Ke Kulanui o Hawai'i ma O'ahu Komohana i Kekemapa. Wehewehe mai 'o Ms. de Silva no ka pilikia me ke kaha pūnaewehe. E pono ana ka ho'ohuli 'ia 'ana o ke ki'i, 'oi'ai 'a'ole kūpono kona nānā 'ana ma ka lōina Hawai'i. Wahi a ka Luna Ho'olaule'a, e ho'okō 'ia ana kēia hana. He mau mea hou kekahi e koe mai nei a ke ho'opuka 'ia nei nā atikala e kākō'o i kēia kaha

Mo'olelo Halāwai o ke Kōmike no ka Ho'olaule'a Noe'au a Mo'omeheu Pākīpika 13
Pō'akahi, Iune 27, 2022, hola 3:00 'au ma o ka Zoom
'Ao 'ao 6 o 6

pūnaewehe. Ke kāko'o pū nei kekahi papa Creative Media i ka ho'opuka ma o ka pāpaho no kēia Kau Hā'ulelau.

- E lilo ana kēia kaha pūnaewehe i wahi e ka'a ai ka 'ikepili a i wahi no nā Lālā Komikina e ho'ohana ai. Ke kuhi nei 'o ia, 'o nā kumumana'o nui o luna nā mea e 'ike 'ia e ke kaiāulu. He mau palapala kāko'o no ka māka'ika'i, nā kumukū'ai hōkele a me ke anilā kekahi mau mea e 'ike 'ia. Mali'a e mākaukau paha ke kaha pūnaewehe i kēia kauwela.

Nīnau maila ka Luna Ho'omalulu i nā mana'o o nā Lālā Komikina. Hō'ike akula 'o Ms. de Silva i kona mahalo i ka lilo 'ana o kēia kaha pūnaewehe he ala pono'i e ho'olālā ai i ka hele 'ana mai. 'Ōlelo mai kekahi no ka hae a wehewehe mai 'o Ms. de Silva, he mea kūikawā nō ho'i ka huki a'e a welo 'ana o ka hae Hawai'i i luna. He mea kamaha'o nā hae i ka po'e o ka Pākīpika. Koiko'i 'o Ms. Bento i ka Luna Ho'olaule'a e kuhi aku i nā hae pono'i o kēlā me kēia Lāhui 'Āina. Ke 'ike nei ka Luna Ho'olaule'a i ka laulima 'ana o ke kaiāulu e paipai iā Hawai'i ma ka ho'okipa 'ana i ka Ho'olaule'a No'eau a Mo'omeheu Pākīpika 2024.

'ŌLELO HŌ'IKE A KA LEHULEHU

Ua kono 'o Ka'anā'anā, he Luna Ho'omalulu, i ka lehulehu e hāpai hou i nā mana'o. Me ka 'ole o nā mana'o i ho'opuka 'ia, ua ho'omau akula 'o ia i nā ho'olaha.

NĀ HO'OLAHA

'A'ohe ho'olaha i hāpai 'ia ma ia hālāwai.


KA HO'OPA'A HĀLĀWAI –11 IULAI 2022 HOLA 3:00 'AUI.

E mālama 'ia ana ka hālāwai komikina a'e i 11 Iulai 2022 i ka hola 3:00 'au.

HO'OKU'U

Ho'oku'u 'o Luna Ho'omalulu Ka'anā'anā i ka hālāwai i ka hola 4:05 'au.

Me ka ha'aha'a iho nō,



Kalani Ka'anā'anā
Luna Ho'omalulu

07/11/2022

Date